

太上黃籙齋儀卷之二

寅二

唐廣成先生杜光庭集

第一日中分行道

入戶

各禮師存念如法

衛靈

謠歌空洞

帝君守壇

五帝校錄

受符三官

備衛四門

東魔去姦

流鈴擲火

除穢焚殘

身佩金書

鍊液芝顏

玄虛素合

心動三關

騎龍跨鶴

控虬乘鸞

衆星守舍

千魔不干

道炁常存

萬仙永安

鳴法鼓二十四通

无上三天玄元始三炁太上老君召出<sub>臣</sub>等

身中三五功曹左右官使者侍香金童傳言

玉女五帝直符直日香官各三十六人出當

召此間土地里域真官正神速出關啓<sub>臣</sub>今

正爾燒香奉為某官某乙為國為家修建无

上黃籙大齋若干日夜願得太上十方正真

生炁降流<sub>臣</sub>等身中所啓速達上御

至真无極大道玉皇上帝御前

各稱法位

上清玄都弟子<sub>臣</sub>某等同誠上啓

虛无自然元始天尊无極大道太上大道君

大聖祖高上大道金闕玄元天皇大帝太上

老君太上丈人无上玄老十方已得道大聖

衆至真諸君丈人三十六天帝君玉虛上帝

玉帝大帝東華南極西靈北真玄都玉京金

闕七寶玄臺紫微上官靈寶至真明皇道君

玄中大法師三界官屬一切真靈<sub>臣</sub>聞至道

圓通天真廣濟垂教於希夷之表融神於造

化之前籠萬有以陶鈞御三乘而啓導聖人

貽則上士勤修佐國化人以慈為本<sub>臣</sub>獲依

秘妙叨佩正真過積丘陵功無塵露誠宜備

省以自檢修而受法之初告盟之始玄科有

約濟物為先凡所叩祈理宜關奏况奉詞旨

敢不上聞

讀詞

按如詞旨誠切修崇為國為家並兼存致謹

依科法虔立壇場然燈燒香轉經行道冀因

稱懇悛獲感過以今中分行道運茲初檢上

香歸身歸神歸命

大道<sub>臣</sub>等首體投地歸命

太上三尊願以是功德先資宗廟社稷尊靈

冥慶玉清流粹寶祚二儀齊永萬國朝宗

皇帝繼聖禹湯躡蹤軒皞壽延北極祚等東

溟妃后諸王輔成睿化賢臣良佐匡祐丕圖

偃革垂紳克昌道運今故燒香自歸依

師尊大聖衆至真之德得道之後昇入无形

與道合真

以今中分行道運茲二檢上香歸身歸神歸命

大道<sub>臣</sub>等首體投地歸命

太上尊經願以是功德歸流齋主某家九祖

神儀七玄幽識超離陰府遊神碧落之天昇

度寒庭蛻質丹陵之境今故燒香歸依

師尊大聖衆至真之德得道之後昇入无形

與道合真

以今落景行道運茲三檢上香歸身歸神歸命

大道<sub>臣</sub>等首體投地歸命

太上三師願以是功德徧及羣生遐均有識

俱趨昏滯成契正真齋主其家九親族屬惟  
新景福克荷神功壽祿內延災凶外息三塗  
九夜六趣四生同沐

玄恩普霑

真祐今故燒香歸依

師尊大聖衆至真之德得道之後昇入无形  
與道合真

搜方

懺悔

步虛

○旋行躡雲網 乘虛步玄紀 吟詠帝一尊

百關自調理 俯命八海童 仰芻高仙子

諸天散香花 蕭然靈風起 宿願定命根

故致標高擬 歡樂太上前 萬劫猶未始

三啓 三禮

臣等至心稽首禮

太上无極大道

臣等至心稽首禮

三十六部尊經

臣等至心稽首禮

玄中大法師

重稱法位

上清玄都弟子臣某某等重伸上啓

太上无極大道至真无上三十六部尊經天

尊至真大帝天帝玉輔上宰四極真人玄中

大法師三界内外一切真靈臣以兆劫植因

億齡傳慶叨逢妙化幸造法門披盼真經探

求聖旨竊聞祈真降聖必在立功佐國濟時

所宜弘化宣揚要道敷贊玄科齋戒以達真

靈精誠以祈福祐今齋主某某志惟修奉冀感

積祥灑懇玄壇冥心紫府所冀

天尊大聖

太上衆真下納精虔廣垂福祉使

帝圖悠久

聖曆遐延文軌大同梯航畢集星辰合度風

雨順時兵革不興休積允萃元臣良佐齊八

極以增齡内屏外藩並九河而注福光宣舜

日雲薦堯階雨露灑於九圓積貺單於萬國

齋主家幽明蒙惠存歿咸安開五曆以增年

續金編而紀善六親和泰衆美同臻下及三

塗勞設庶類寒庭長夜之境鄴郡地獄之中  
親太上之慈光沐天真之法力並蒙開度俱  
出幽沉蠢動生靈飛潛異質道風遐扇惠雨  
普霑盡獲安寧克登壽域上明  
天尊廣濟之施下副臣等歸命之誠謹啓以  
聞

發願

一願大道淡泊虛无安閑空寂澄清自居廣

開法門教導頑夫皆蒙惠澤精苦是修預

以同學普得昇虛與天相保長存無憂

二願諸天結炁澄清高虛廣覆保真因靈氣

候調節四運和平國安民豐普天開寧廣

濟一切惠速有生保劫長存億劫不傾

三願土地覆載無窮安平不陷海淪不崩保

鎮家國兆民興從養生安死惠周十方未

稼滋植營運日豐咸得厚載萬類皆從

四願日月二景高明無有亭蝕虧盈安清光

照諸天洞消暗冥保同劫運世祚和平普

加潤澤惠灑衆生

五願星辰與日齊光轉燭照耀朗映十方

各安其位經緯直行保鎮家園無有災傷  
四海寧一普天興昌

六願四時隨節推遷景炁和調無有災患疫

毒消滅普天安平五穀豐熟國富民歡

七願浮雲結炁聚煙飛空高澄陰損玄玄隱

則無為散則彌天神仙同居結友衆真惠

流一切興國愛民普濟羣生入同劫年

八願風雨流灑無窮普加施泄受其發揚萬

物滋生國儲民豐

九願五嶽各安其方巍巍包藏長為仙宮安

鎮國作保天無終護度一切莫不仰宗

十願江海蕩蕩無極舍容恢廓無細不植淵

奧柔惠潤加蟠息天人獲慶年同劫石

十一願帝王國土日昌四鎮安睦兵革不揚

天人歌唱吉應來翔敷教濟濟咸化洋洋

兆庶稱慶長樂未央

十二願蝗飛蠶動已生未生成蒙安全普得

生成皆見元炁受陽之形草木果林經冬

不零一切濟度靡不鮮榮和與道合真

復爐

香官使者左右龍虎君侍香諸靈官當令臣

行道之所自然生金液丹碧芝英百靈衆真

交會在此香火爐前令修齋弟子其存亡受

福幽顯靈恩十方仙童玉女侍衛香煙傳奏

臣向來所啓速達徑御

至真元極大道玉皇上帝御前

出戶

太上黃籙齋儀卷之二

正一天師清微弟子 洪百堅 製作

道教學術資訊網站

太上黃籙齋儀卷之三

唐廣成先生杜光庭集 齋三

第一日落景行道

入戶

各禮師存念如法

衛靈

神光朗耀 瑞炁布旋 箕斗澄輝

芝宇晏然 玉眸金具 寶壇絕乾

變夜作晝 回子午前 太華流彩

丹鳳飛圓 息魔滅姦 高步祥煙

天具並集 齊到帝前

鳴法鼓二十四通

无上三天玄元始三炁太上老君召出臣等

身中三五功曹左右官使者侍香金童傳言

玉女五帝直符直日香官各三十六人出當

召此問土地里域具官正神速出關啓臣今

正爾燒香奉為某官某已為國為家奉修无

上黃籙大齋若干日夜以今第一日落景登

壇燒香行道願得太上十方正真生炁降流

臣等身中令臣所啓之誠速達徑御